

O alumnado de 4º de Educación Secundaria do colexio Plurilingüe María Inmaculada visitou a mostra Castelao Grafista (Fascímile), situada na Sala de Exposicións da Casa da Cultura de Verín. Nestas actividades programadas para os grupos escolares búscase, a través dos retratos e autorretratos que se exhiben na mostra, a clasificación da personalidade de Castelao. Os estudantes foron recibidos nas instalacións municipais pola concelleira de Cultura, Samanta Barreira.

Na decena de obras expostas sobre Cousas da Vida analízase a temática tratada polo creador nesta serie que tanta repercusión tivo na súa época. Moi en concreto, profundízase no uso da retranca polo autor rianxeiro (mediante o análise de obras expostas que carecerían de sentido se non fosen exemplos da súa habilidade para falar con segundas intencións e buscar a graza) tan característica da sociedade galega. Tamén, incídese en como Castelao nas súas obras peneira a sociedade galega da primeira metade do século XX, facéndoo con todos os estratos que a compuñan. Por último, por ser temas recorrentes nos debuxos de Castelao, trátase a través de imaxes representativas a emigración e o exilio, situacións as que el e moitas persoas víronse forzadas na súa época.

Pola relación que Castelao tivo coa Medicina, as actividades grupais comezan e pechan con actividades sobre hábitos respiratorios e ergonómicos recomendábeis, desde perspectivas de educación para a saúde e de medicina preventiva.

Visitas escolares programadas pola área de Cultura

Os grupos que asisten están compostos polo alumnado dunha clase. As clases participantes están comprendidas entre 5º de Educación Primaria e 4º de Educación Secundaria Obrigatoria. Até o momento participaron clases do Colexio Plurilingüe María Inmaculada e do Colexio

Apostólico Mercedario. Na vindeira semana, ademais de clases dos devanditos colexios, está prevista a participación dunha clase do IES Castro de Baronceli e outra do IES Xesús Taboada Chivite.